

Na osnovu člana 2., 3 i 51. Zakona o javnim preduzećima u FBiH («Službene novine F BiH», broj: 8/05), člana 62. Zakona o privrednim društvima («Službene novine F BiH», broj: 23/99, 45/00, 6/02 i 29/03), te člana 21. stav. 1. tačka 7. Statuta općine Velika Kladuša-prečišćeni tekst («Sl.glasnik općine Velika Kladuša», broj: 1/2001 i 1/2003) Općinsko vijeće Općine Velika Kladuša na X sjednici, održanoj 30.06.2005. godine donijelo je:

**ODLUKU**  
**O izmjenama i dopunama Odluke o**  
**reorganizaciji**  
**JKP "Adnan Redžić" Velika Kladuša**

**Član 1.**

Ovom Odlukom vrši se izmjene i dopune Odluke o reorganizaciji Javnog komunalnog preduzeća «Adnan Redžić» Velika Kladuša, broj: 01-05-111/05, od 29.04.2005. godine («Službeni glasnik općine Velika Kladuša», broj: 5/05).

**Član 2.**

Član 2. mijenja se i glasi:  
„Cjelokupna imovina JKP "Adnan Redžić" Velika Kladuša kao državna svojina, prenosi se na upravljanje i korištenje novoosnovanim preduzećima prema diobnom bilansu i to:

1. JKP «Vodovod i kanalizacija» Velika Kladuša, što čini osnivački kapital, u iznosu od 20.632.289,75 KM
2. JKUP «Komunalije» Velika Kladuša, što čini osnivački kapital, u iznosu od 2.000.000,00 KM

Imovina iz prethodnog stava čini osnivački kapital novoosnovanih preduzeća“.

**Član 3.**

Zadužuje se Stručna služba JKP-a da, u suradnji sa Komisijom za propise Općinskog vijeća Općine Velika Kladuša, uradi prečišćeni tekst Odluke o reorganizaciji JKP „Adnan Redžić“ Velika Kladuša.

**Član 4.**

Ova odluka stupa na snagu danom donošenja a ima se objaviti u «Sl.glasniku Općine Velika Kladuša» .

OPĆINA VELIKA KLADUŠA  
OPĆINSKO VIJEĆE

Broj:01-05-176/05.  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 2., 3. i 51. Zakona o javnim preduzećima u Federaciji Bosni i Hercegovini («Službene novine F BiH» broj: 08/05), člana 4. Zakona o komunalnim djelatnostima («Službeni list SR BiH», broj: 20/90), člana 62., 311 i 313 Zakona o privrednim društvima («Sl.novine FBiH», broj: 23/99, 45/00, 2/02, 6/02 i 29/03) te člana 21. stav 1. tačka 7. Statuta Općine Velika Kladuša- prečišćeni tekst («Službeni glasnik općine Velika Kladuša», broj: 1/01 i 1/03), Općinsko vijeće općine Velika Kladuša na X sjednici, održanoj 30.06.2005. godine, je donijelo:

**ODLUKU**  
**o izmjenama i dopunama Odluke o**  
**organizovanju**  
**JKUP „Komunalije“ Velika Kladuša**

**Član 1**

Ovom Odlukom vrše se izmjene i dopune Odluke o organizovanju Javnog komunalnog uslužnog preduzeća „Komunalije“ Velika Kladuša, broj: 01-05-113/05, od 29.04.2005. godine («Službeni glasnik Općine Velika Kladuša», broj: 5/05).

**Član 2**

Član 12. mijenja se i glasi:  
„U regulisanju međusobnih prava i odnosa između Osnivača i Javnog komunalnog uslužnog preduzeća „Komunalije» Osnivača zastupa i predstavlja Općinski načelnik.

Za pojedina pitanja iz stava 1. ovoga člana Općinski načelnik može zatražiti prethodno mišljenje ili saglasnost Općinskog vijeća“.

**Član 3.**

Član 25. mijenja se i glasi:  
„Sredstva preduzeća čine kapital koji je od Osnivača prenešen na korištenje a smatra se državnim vlasništvom, u 100% iznosu udjelu Osnivača.

Osnovni kapital koji osnivač unosi u preduzeće iznosi 2.000.000,00 KM“

**Član 4.**

Član 32. mijenja se i glasi:  
„Ovlaštenja Skupštine JKUP «Komunalije» Velika Kladuša vrši Općinsko vijeće Općine Velika Kladuša, kao Osnivač preduzeća.

- Skupština ima slijedeće nadležnosti:
- imenuje članove Nadzornog odbora
  - donosi Statut, vrši njegove izmjene i dopune
  - donosi Poslovnike na prijedlog Nadzornog odbora
  - donosi Etički kodeks ponašanja na prijedlog Nadzornog odbora

- donosi Plan poslovanja na prijedlog Nadzornog odbora
- donosi cijene za osnovne djelatnosti preduzeća
- donosi odluke o povećanju i smanjenju osnovnog kapitala
- donosi odluku o raspodjeli dobiti
- donosi odluke o pokrivanju gubitka
- donosi odluke o statusnim promjenama i reorganizaciji društva
- donosi odluke podjeli i prestanku društva
- donosi odluku o izboru vanjskog revizora
- donosi odluku o naknadama članovima Nadzornog odbora i Odbora za reviziju
- donosi i druge odluke u skladu sa Zakonom o privrednim društvima

Ostala ovlaštenja koja nisu taksativno navedena vrši Općinski načelnik“.

#### Član 5.

Zadužuje se Stručna služba JKUP „Komunalije“ Velika Kladuša da, u suradnji sa Komisijom za propise Općinskog vijeća Općine Velika Kladuša, uradi prečišćeni tekst Odluke o organizovanju JKUP „Komunalije“ Velika Kladuša.

#### Član 6.

Ova odluka stupa na snagu danom objavljivanja u «Službenom glasniku općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVALAČI  
OPĆINSKOG VIJEĆA  
Sejfo Mustafić, s.r.

Broj:01-05-177/05.  
Velika Kladuša, 01.07.2005. godine

Na osnovu člana 2., 3. i 51. Zakona o javnim preduzećima u Federaciji Bosni i Hercegovini («Službene novine F BiH» broj: 08/05), člana 4. Zakona o komunalnim djelatnostima («Službeni list SR BiH», broj: 20/90), člana 62., 311 i 313 Zakona o privrednim društvima («Sl. novine FBiH», broj: 23/99, 45/00, 2/02, 6/02 i 29/03) te člana 21. stav 1. tačka 7. Statuta Općine Velika Kladuša- prečišćeni tekst («Službeni glasnik općine Velika Kladuša», broj: 1/01 i 1/03), Općinsko vijeće općine Velika Kladuša na X sjednici, održanoj 30.06.2005. godine, je donijelo:

#### O D L U K U

O izmjenama i dopunama Odluke o organizovanju JKP „Vodovod i kanalizacija“ Velika Kladuša

#### Član 1

Ovom Odlukom vrše se izmjene i dopune Odluke o organizovanju Javnog komunalnog preduzeća „Vodovod i kanalizacija“ Velika Kladuša,

broj: 01-05-112/05, od 29.04.2005. godine («Službeni glasnik Općine Velika Kladuša», broj: 5/05).

#### Član 2

Član 12. mijenja se i glasi:

„U regulisanju međusobnih prava i odnosa između Osnivača i Javnog komunalnog preduzeća „Vodovod i kanalizacija« Velika Kladuša, Osnivača zastupa i predstavlja Općinski načelnik.

Za pojedina pitanja iz stava 1. ovoga člana Općinski načelnik može zatražiti predhodno mišljenje ili saglasnost Općinskog vijeća“.

#### Član 3.

Član 25. mijenja se i glasi:

„Sredstva preduzeća čine kapital koji je od Osnivača prenešen na korištenje a smatra se državnim vlasništvom, u 100% iznosu udjelu Osnivača.

Osnovni kapital koji osnivač unosi u preduzeće iznosi 20.632.289,75 KM“

#### Član 4.

Član 32. mijenja se i glasi:

„Ovlaštenja Skupštine JKP «Vodovod i kanalizacija» Velika Kladuša vrši Općinsko vijeće Općine Velika Kladuša, kao Osnivač preduzeća.

Skupština ima slijedeće nadležnosti:

- imenuje članove Nadzornog odbora
- donosi Statut, vrši njegove izmjene i dopune
- donosi Poslovnike na prijedlog Nadzornog odbora
- donosi Etički kodeks ponašanja na prijedlog Nadzornog odbora
- donosi Plan poslovanja na prijedlog Nadzornog odbora
- donosi cijene za osnovne djelatnosti preduzeća
- donosi odluke o povećanju i smanjenju osnovnog kapitala
- donosi odluku o raspodjeli dobiti
- donosi odluke o pokrivanju gubitka
- donosi odluke o statusnim promjenama i reorganizaciji društva
- donosi odluke podjeli i prestanku društva
- donosi odluku o izboru vanjskog revizora
- donosi odluku o naknadama članovima Nadzornog odbora i Odbora za reviziju
- donosi i druge odluke u skladu sa Zakonom o privrednim društvima

Ostala ovlaštenja koja nisu taksativno navedena vrši Općinski načelnik“.

#### Član 5.

Zadužuje se Stručna služba JKP „Vodovod i kanalizacija“ Velika Kladuša da, u suradnji sa Komisijom za propise Općinskog vijeća Općine

Velika Kladuša, uradi prečišćeni tekst Odluke o organizovanju JKP „Vodovod i kanalizacija“ Velika Kladuša.

### Član 6.

Ova odluka stupa na snagu danom objavljivanja u «Službenom glasniku općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj:01-05-178/05.  
Velika Kladuša, 01.07.2005. godine

Na osnovu člana 2.3. i 51. Zakona o javnim preduzećima u Federaciji Bosne i Hercegovine („Službene novine F BiH“, broj: 8/05), člana 62., 311. i 313. Zakona o privrednim društvima („Službene novine F BiH“, broj: 23/99, 45/00, 2/02, 6/02 i 29/03), te člana 79. i 80. Zakona o veterinarstvu („Službene novine F BiH“, broj: 46/2000), i člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), Općinsko vijeće Općine Velika Kladuša, na X sjednici, održanoj dana 30.06.2005. godine, donijelo je,

## ODLUKU

### o usklađivanju Odluke o osnivanju Javnog preduzeća Veterinarska stanica Velika Kladuša, sa odredbama Zakona o Javnim preduzećima u Federaciji Bosne i Hercegovine

#### I – OSNOVNE ODREDBE

### Član 1.

Ovom Odlukom vrši se usklađivanje Odluke o zadržavanju prava i obaveza Općinskog vijeća Velika Kladuša prema Javnom preduzeću Veterinarska stanica Velika Kladuša broj: 01-012-111/98. od 20.11.1998. godine, objavljene u „Službenom glasniku Općine Velika Kladuša“, broj: 7/98, sa odredbama Zakona o javnim preduzećima u Federaciji Bosne i Hercegovine („Službene novine F BiH“, BROJ: 8/05), te odgovarajućim odredbama Zakona o privrednim društvima („Službene novine F BiH“, broj: 23/99, 45/00, 2/02, 6/02 i 29/03).

### Član 2.

Saglasno odredbama člana 1. ove Odluke, u postupku usklađivanja Odluke o osnivanju Javnog preduzeća Veterinarska stanica Velika Kladuša, ovom Odlukom se regulišu odredbe o:

- nazivu, adresi i sjedištu osnivača,
- naziv, adresa i sjedište preduzeća,
- prava i obaveze Osnivača i preduzeća,
- organ koji zastupa Osnivača,
- osnovni kapital preduzeća,
- organi upravljanja preduzeća,
- ostvarivanje javnog interesa i odgovornost za vršenje djelatnosti,
- način formiranja i raspodjele dobiti,
- odnosi sa korisnicima usluga,
- unutrašnja organizacija,
- javnog rada,
- uslovi i način prestanka rada preduzeća.

### Član 3.

Općina Velika Kladuša putem Općinskog vijeća osniva Javno preduzeće Veterinarska stanica Velika Kladuša radi obavljanja djelatnosti od javnog interesa liječenja i zdravstvena kontrole domaćih životinja i kućnih ljubimaca na području Općine Velika Kladuša.

### Član 4.

Javno preduzeće Veterinarska stanica Velika Kladuša osniva se i organizira u obliku: društva sa ograničenom odgovornošću sa skraćenom oznakom d.o.o.

### Član 5.

Javno preduzeće Veterinarska stanica Velika Kladuša ima svojstvo pravnog lica koje stječe danom upisa u sudski registar, nakon čega samostalno preuzima prava i obaveze u pravnom prometu u obavljanju svoje registrirane djelatnosti radi sticanja dobiti.

### Član 6.

Osnivanjem i obezbjeđivanjem rada javnog preduzeća Veterinarska stanica Velika Kladuša, obezbjeđuje se poseban interes u oblasti zdravstvene zaštite životinja na području Općine Velika Kladuša.

#### II – NAZIV, ADRESA I SJEDIŠTE OSNIVAČA

### Član 7.

Osnivač Javnog preduzeća Veterinarska stanica Velika Kladuša je Općinsko vijeće Općine Velika Kladuša (u daljem tekstu: Osnivač).

Sjedište Osnivača je u zgradi Općinske uprave Velika Kladuša.

#### III – FIRMA-NAZIV I SJEDIŠTE PREDUZEĆA

### Član 8.

Firma, odnosno puni naziv javnog preduzeća glasi: JAVNO PREDUZEĆE

VETERINARSKA STANICA, društvo sa ograničenom odgovornošću, VELIKA KLADUŠA.

Skraćeni naziv preduzeća glasi: JP Veterinarska stanica d.o.o. Velika Kladuša.

#### Član 9.

Sva poslovna pisma i narudže preduzeća, obavezno sadržavaju:

1. punu firmu i adresu sjedišta preduzeća,
2. naziv i sjedište institucije kod koje je, i broj pod kojim je preduzeće upisano u sudski registar,
3. broj računa sa nazivom finansijske organizacije kod koje preduzeće drži račun, ukoliko preduzeće ima više računa, za svaki od njih,
4. porezni broj i šifru djelatnosti određen od statističke organizacije.

#### Član 10.

Preduzeće može imati svoj znak koji pobježe određuje preduzeće, njegovu djelatnost i sjedište.

Odluku o određivanju i upotrebi znaka donosi Nadzorni odbor preduzeća.

#### Član 11.

Sjedište Javnog preduzeća Veterinarska stanica je u Velikoj Kladuši, Ulica Zuhdije Žalića.

#### Član 12.

Javno preduzeće Veterinarska stanica ne može mijenjati naziv, sjedište i djelatnost bez saglasnosti Osnivača.

#### Član 13.

Preduzeće ima pečat i štambilj.

Pečat preduzeća je okruglog oblika uobičajene veličine i sadrži oznaku; Javno preduzeće Veterinarska stanica d.o.o. Velika Kladuša.

Štambilj preduzeća je pravougaonog oblika i sadrži oznaku: naziv, sjedište firme i broj i datum, sa slobodnim prostorom za upis broja i datuma.

#### Član 14.

Način upotrebe i čuvanja pečata i štambilja, propisuje direktor preduzeća svojim internim aktom.

### IV – DJELATNOST PREDUZEĆA

#### Član 15.

Javno preduzeće Veterinarska stanica u svom poslovanju, obavljać će slijedeće djelatnosti:

82.2085.200 VETERINARSKJE DJELATNOSTI koje obuhvataju:

- liječenje i zdravstvenu kontrolu domaćih životinja,
- liječenje i zdravstvenu kontrolu kućnih ljubimaca,
- rad veterinarskih ambulanti, podrazumijevajući, da će JP Veterinarska stanica u cilju sticanja dobiti:
- platiti zdravstveno stanje životinja na području općine, predlagati i poduzimati mjere za sprječavanje i suzbijanje zaraznih bolesti,
- vršiti dijagnostičke postupke nad životinjama u cilju otklanjanja zaraza,
- vršiti pregled i liječenje životinja,
- vršiti pregled stoke pri utovaru i istovaru i o tome izdavati propisani dokument o zdravstvenom stanju,
- starati se o neškodljivom uklanjanju leševa stoke, sprovesti dezinfekciju, dezinfekciju i deratizaciju,
- nabavljati, izdavati i vršiti promet lijekova koji se upotrebljavaju u veterinarstvu,
- vršiti uzgoj repromaterijala stočarske proizvodnje u manjem obimu,
- obavljati promet veterinarsko-sanitetskog materijala, veterinarskih instrumenata i drugih sredstava i pribora koji se upotrebljavaju u stočarskoj proizvodnji,
- vrši cijepjenje stoke i kućnih ljubimaca protiv zaraznih bolesti,
- obavljati usluge u stočarskoj proizvodnji u manjem obimu,
- obavljati i druge djelatnosti utvrđene zakonom, a u cilju sticanja dobiti.

#### Član 16.

Javno preduzeće Veterinarska stanica je nezavisna, otvorena i dostupna svim građanima u obavljanju svoje djelatnosti od javnog interesa i pod jednakim uslovima.

### V – PRAVA I OBAVEZE OSNIVAČA I PREDUZEĆA

#### Član 17.

Međusobna prava i obaveze Osnivača i Preduzećaregulišu se ovom odlukom, pojedinačnim aktima Osnivača i ugovorima u pismenom obliku između Osnivača i Preduzeća, a naročito o slijedećem:

- ostvarivanje javnog interesa u zdravstvenoj zaštiti životinja,
- u donošenju razvojnih planova,
- obezbjeđivanju finansijskih sredstava za finansiranje djelatnosti ode općeg interesa iz ove oblasti,

- formiranju cijena usluga iz djelatnosti preduzeća,
- izrade programa sanacije preduzeća,
- izvještavanje o poslovanju preduzeća,
- promjene oblika, predmeta poslovanja, naziva i sjedišta preduzeća.

#### **Član 18.**

U regulisanju međusobnih prava i odnosa između Osnivača i Preduzeća, Osnivač zastupa i predstavlja Općinski načelnik.

Za pojedina pitanja iz člana 17. ove Odluke Općinski načelnik može zatražiti mišljenje ili saglasnost Općinskog vijeća.

#### **Član 19.**

Javno preduzeće Veterinarska stanica u pravnom prometu nastupa samostalno i neograničeno preuzima prava i obaveze u svoje ime i za svoj račun.

Preduzeće može u pravnom prometu nastupati i u tuđe ime i za tuđi račun i u svoje ime i za tuđi račun uz prethodno regulisanje odnosa obligacionim ugovorom.

#### **Član 20.**

Za preuzete obaveze u pravnom prometu preduzeće odgovara cjelokupnom imovinom sa kojomraspoloža-potpuna odgovornost.

Za obaveze drugih pravnih lica preduzeće odgovara samo za one obaveze koje je preuzelo ugovorom.

#### **Član 21.**

Za obaveze Preduzeća Osnivač odgovara svojim udjelom u kapitalu, odnosno do visine osnovnog kapitala unesenog kao osnivački ulog preduzeća.

#### **Član 22.**

Osnivač može pojedinačnim odlukama ili ugovorima davati garancije ili preuzimati dio obaveza preduzeća iz oblasti razvojnih planova preduzeća koje utvrdi da su javnog interesa.

### **VI – OSNOVNI KAPITAL PREDUZEĆA**

#### **Član 23.**

Sredstva preduzeća čine materijalna i nematerijalna ulaganja Osnivača, kao i sredstva izdvojena iz dobiti po osnovu redovnog poslovanja u toku poslovne godine na ime povećanja kapitala sa stanjem na dan 31.12.2004. godine.

#### **Član 24.**

Sredstava preduzeća čini kapital, koji je od Osnivača prenesen kao osnivački ulog iz člana 23.

ove Odluke, a smatra se državnim vlasništvom u 100% iznosu udjela Osnivača.

Osnovni kapital kojeg osnivač unosi u preduzeće iznosi 91.781,00 KM

#### **Član 25.**

U preduzeću se ustrojava knjiga udjela u koju se istog dana unosi svaka eventualna izmjena podataka u vezi udjela.

Knjigu udjela uspostaviti će Uprava preduzeća najkasnije osam dana od dana upisa preduzeća u sudski registar.

#### **Član 26.**

JP Veterinarska stanica u obavljanju svoje djelatnosti, ostvaruje prihode:

- prodajom svojih proizvoda i usluga,
- donacijom sredstava Osnivača,
- donacijom pravnih i fizički osoba i
- iz ostalih izvora propisanih zakonom.

#### **Član 27.**

Preduzeće je obavezno ustrojiti i voditi uredne računovodstvene evidencije i podnosi iskaze nadležnim državnim organima i Osnivaču i to na način i po postupku propisanom zakonom.

#### **Član 28.**

Cijene svojih proizvoda i usluga za obavljanje djelatnosti preduzeće utvrđuje ovisno o uslovima privređivanja na tržištu.

#### **Član 29.**

Cijenama svojih proizvoda i usluga i naplatom realizacije preduzeće će obezbijediti obavljanje redovne djelatnosti od posebnog javnog interesa utvrđenog zakonom i ovom odlukom, zatim osigurati prostu reprodukciju programom utvrđeni nivo proširene reprodukcije.

#### **Član 30.**

U slučaju da preduzeće, obavljajući osnovnu djelatnost utvrđenu ovom odlukom i Statutom, ostvari gubitak u poslovanju, Osnivač i Preduzeće ravnopravno analiziraju uzroke nastalog poremećaja i poduzimanja zajedničkih mjera za otklanjanje tih uzroka.

Gubitak nastao obavljanjem posebne djelatnosti preduzeća sanira preduzeće u skladu sa zakonom, ovom odlukom, Statutom i odlukom Nadzornog odbora.

#### **Član 31.**

Ukoliko se utvrdi da je gubitak nastao iz objektivnih razloga, Osnivač je dužan obezbijediti sredstva za pokriće gubitka.

Ako se utvrdi da je gubitak nastao iz subjektivnih razloga unutarnjim poremećajima u preduzeću, Osnivač će poduzeti odgovarajuće mjere

za prevazilaženje nastalog stanja u cilju ostvarivanja djelatnosti propisanih zakonom, kao djelatnost od posebnog društvenog interesa.

Pored navedenih mjera Osnivač ima pravo i nadležan je da izvrši smjenjivanje organa upravljanja i organa rukovođenja, imenuje privremene rukovodne organe i objavi konkurs za izbor i imenovanje novih organa upravljanja i organa rukovođenja preduzeća.

## VII – ORGANI UPRAVLJANJA I RUKOVOĐENJA

### Član 32.

Organi upravljanja i rukovođenja JP Veterinarska stanica Velika Kladuša su:

- Skupština,
- Nadzorni odbor i
- Uprava (menadžment) kao organi rukovođenja

### 1. SKUPŠTINA

#### Član 33.

Ovlaštenja Skupštine JP Veterinarska stanica Velika Kladuša vrši Općinsko vijeće Općine Velika Kladuša, kao Osnivač preduzeća.

Skupština ima slijedeće nadležnosti:

- imenuje članove Nadzornog odbora,
- donosi Statut, vrši njegove izmjene i dopune,
- donosi poslovničke na prijedlog Nadzornog odbora,
- donosi Etički kodeks ponašanja na prijedlog Nadzornog odbora,
- donosi Plan poslovanja na prijedlog Nadzornog odbora,
- donosi cijene za osnovne djelatnosti preduzeća,
- donosi odluke o povećanju i smanjenju osnovnog kapitala,
- donosi odluke o raspodjeli dobiti,
- donosi odluke o pokrivanju gubitka,
- donosi odluke o statusnim promjenama i reorganizaciji društva,
- donosi odluke o podjeli i prestanku društva,
- donosi odluku o izboru vanjskog revizora,
- donosi odluku o naknada članovima Nadzornog odbora i Odbora za reviziju,
- donosi i druge odluke u skladu sa Zakonom o privrednim društvima.

Ostala ovlaštenja koja nisu taksativno navedena vrši Općinski načelnik.

### 2. NADZORNI ODBOR

### Član 34.

Nadzorni odbor se sastoji od 3 (tri) člana koje imenuje i razrješava Skupština na prijedlog Općinskog načelnika iz reda stručnih i naučnih radnika.

Prilikom imenovanja članova Nadzornog odbora primjenjivaće se odredbe Zakona o ministarskim, vladinim i drugim imenovanjima u F BiH („Službene novine F BiH“, broj: 34/03) i odredbe Zakona o sukobu interesa u institucijama vlasti u BiH („Službeni glasnik BiH“, broj: 13/02).

### Član 35.

Direktor preduzeća ne može biti član Nadzornog odbora Preduzeća.

### Član 36.

Sastav, način imenovanja članova, trajanje mandata i način rada Nadzornog odbora uređuje se Statutom JP Veterinarska stanica Velika Kladuša.

### Član 37.

Nadzorni odbor preduzeća ima slijedeće nadležnosti:

- Nadzire rad preduzeća,
- Nadzire Statut, njegove izmjene i dopune i predlaže ih Skupštini,
- Priprema poslovničke i predlaže ih Skupštini,
- Priprema Etički kodeks i predlaže ga Skupštini,
- Vršiti izbor kandidata Odbora za reviziju i podnosi prijedlog Skupštini za njihovo imenovanje,
- Daje prijedlog Skupštini za raspodjelu dobiti i pokriće gubitka,
- Podnosi Skupštini godišnji izvještaj o poslovanju preduzeća, koji obavezno sadrži izvještaj revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu,
- Imenuje predsjednike i članove Odbora za naknade i Odbora za imenovanje,
- Obrazuje povremene komisije i utvrđuje njihov sastav i zadatke,
- Daje prijedlog za sazivanje Skupštine,
- Imenuje i razrješava članove Uprave,
- Daje ovlaštenja za aktivnosti koje su ograničene zakonom,
- Usvaja izvještaje o poslovanju preduzeća po polugodišnjem i godišnjem obračunu sa bilansom stanja i bilansom uspjeha i izvještajem revizora,
- Daje upute direktoru za provođenje uviđaja u vezi sa uočenim nepravilnostima,
- Razmatra provedbeni propis za postupak nabavke i nadzire njegovo provođenje,

- Odobrava kupovinu, prodaju, zamjenu, uzimanje u lizing i druge transakcije imovinom, izravno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti imovine preduzeća,
- Vršiti i druge poslove utvrđene Statutom preduzeća, odlukama i zaključcima Skupštine.

### 3. UPRAVA PREDUZEĆA

#### Član 38.

Uprava preduzeća rukovodi poslovanjem Preduzeća u skladu sa zakonom, Statutom preduzeća i Etičkim kodeksom te odgovara za zakonitost poslovanja preduzeća.

#### Član 39.

Direktora preduzeća imenuje i razrješava Nadzorni odbor na osnovu javnog konkursa uz suglasnost Općinskog načelnika.

Ukoliko po raspisanom konkursu nije izvršeno imenovanje, kao i u drugim hitnim opravdanim slučajevima, Nadzorni odbor može imenovati vršioca dužnosti direktora, na period ne duži od šest mjeseci.

Statutom preduzeće urediće se uslovi i način izbora i razrješavanja direktora preduzeća.

#### Član 40.

Direktor preduzeća organizuje i rukovodi procesom rada i vodi poslovanje preduzeća, zastupa i predstavlja preduzeća neograničeno, predlaže osnove poslovne politike, program rada i plan razvoja i preduzima mjere za njihovo provođenje, podnosi izvještaj o poslovanju i godišnji obračun, prima, postavlja i razrješava radnike u skladu sa unutrašnjom organizacijom preduzeća, vrši i druge poslove u skladu sa Zakonom, Statutom i Etičkim kodeksom.

Ovlašćuje se direktor preduzeća da podnese prijavu za upis Odluke o usklađivanju Odluke o osnivanju JP Veterinarska stanica Velika Kladuša sa odredbama Zakona o javnim preduzećima u Federaciji Bosne i Hercegovine u Sudski registar Kantonalnog suda u Bihaću.

#### Član 41.

U preduzeću se formira Odbor za reviziju koji broji 3 (tri) člana, a njegova nadležnost će se regulirati Statutom i Poslovníkom o radu.

### VIII – ODGOVORNOST ZA VRŠENJE DJELATNOSTI

#### Član 42.

Općina Velika Kladuša u svojstvu Osnivača zadržava pravo kontrole ispunjavanja

javnih interesa i zadataka zbog kojih je preduzeće osnovano, racionalnosti poslovanja, namjenskog trošenja sredstava i poslovnog uspjeha preduzeća.

Kontrola iz prethodnog stava, ostvaruje se podnošenjem i razmatranjem godišnjeg izvještaja o poslovanju preduzeća kao i izvještavanja u kraćim rokovima po zahtjevu Osnivača.

#### Član 43.

Preduzeće ima slijedeće obaveze prema Osnivaču:

- da redovno i kontinuirano obavještava Osnivača o radu i pružanju usluga osnovnih i pomoćnih djelatnosti i podnosi godišnji izvještaj o njihovom funkcioniranju,
- da podnosi izvještaj o poslovanju, problematici razvojnih planova i programa i odnosima s korisnicima usluga,
- da redovno, a najmanje svakih šest mjeseci, obavještava o ekonomskoj problematici i odnosima u primarnoj raspodjeli sredstava preduzeća,
- dostavlja akte na koje se daje saglasnost Osnivača, odnosno Općinskog vijeća.

#### Član 44.

Prava obaveze i odgovornost Osnivača i preduzeća ostavljaju se kroz rad Nadzornog odbora u skladu sa zakonom i Statutom.

#### Član 45.

U slučaju poremećaja poslovanja preduzeća, Osnivač ima pravo preduzeti mjere, kojima će obezbijediti uslove za organizirano i nesmetano funkcioniranje rada preduzeća propisane zakonom i utvrđene odlukama i zaključcima Općinskog vijeća.

### IX – NAČIN FORMIRANJA I RASPODJELE DOBITI

#### Član 46.

Preduzeće formira dobit iz ostvarenih prihoda od prodaje svojih proizvoda i usluga i prihoda koje ostvaruje vršenjem djelatnosti i po drugim osnovama u skladu sa zakonom.

Dobit iz prethodnog stava ovog člana formira se na osnovu realizacije troškova i usluga, a nakon podmirivanja svih troškova poslovanja koje se podmiruju prije utvrđivanja dobiti, u skladu sa zakonom.

#### Član 47.

Odluku o raspodjeli dobiti donosi Skupština na obrazložen prijedlog Uprave uz prethodno pribavljeno mišljenje Odbora za reviziju i Nadzornog odbora.

Dio dobiti, nakon izmirivanja obaveza, usmjerava se za finansiranje razvoja preduzeća.

#### **Član 48.**

Odnosi sa korisnicima usluga u smislu ostvarivanja djelatnosti u skladu sa ovom Odlukom bliže se reguliraju odlukama, ugovorima i cijenama usluga.

#### **Član 49.**

Ukoliko korisnik usluga pretrpi štetu zbog krivnje preduzeća, preduzeće će istom nadoknaditi štetu u skladu sa zakonom.

### XI – UNUTRAŠNJA ORGANIZACIJA

#### **Član 50.**

JP Veterinarska stanica Velika Kladuša je pravni subjekt, organizovan na funkcionalnom, procesno-radnom principu, čime se omogućava izvršavanje funkcija, efikasnost u upravljanju, uspješnost u poslovanju, operativnost u donošenju Odluka i obaveznost njihovog sprovođenja.

Radi obavljanja djelatnosti i ostvarivanja poslovnih funkcija u preduzeću se mogu organizovati radne jedinice i službe zajedničkih poslova.

#### **Član 51.**

Unutrašnja organizacija pobliže će se odrediti Statutom i općim aktom o unutrašnjoj organizaciji preduzeća, u skladu sa zakonom.

Odluku o promjeni unutrašnje organizacije donosi Nadzorni odbor uz prethodnu saglasnost Osnivača.

#### **Član 52.**

Općim aktom, u skladu sa zakonom i granskim kolektivnim ugovorom, preduzeće utvrđuje poslove i zadatke koji se moraju izvršavati u vrijeme štrajka radi funkcioniranja osnovnih djelatnosti od posebnog društvenog interesa i sprečavanja nastanka poremećaja u pružanju osnovnih usluga.

Radnici koji izvršavaju poslove i zadatke iz stava jedan ovog člana, dužni su za vrijeme štrajka izvršavati utvrđene naloge.

Direktor je dužan, u skladu sa odlukom Nadzornog odbora, rješenjem odrediti radnike koji će raditi na izvršavanju poslova i zadataka iz stava jedan ovog člana.

Neizvršavanje poslova i zadataka iz prethodnog stava ovog člana predstavlja razlog za raskid ugovora o radu i prestanak radnog odnosa.

### XII – JAVNOST RADA

#### **Član 53.**

Javnost rada preduzeća obezbjeđuje se:

- Objavljivanjem obavještenja, informacija i izvještaja o radu putem sredstava javnog informisanja,
- Obavješćavanjem korisnika usluga o planovima rada, konkretnim aktivnostima, o cijenama i slično,
- Javnost rada organa upravljanja i organa rukovođenja,
- Podnošenjem izvještaja o svom radu i poslovanju svim licima koja imaju legitiman interes za poslovanje preduzeća.

### XIII – USLOVI I NAČIN PRESSTANKA RADA PREDUZEĆA

#### **Član 54.**

Preduzeće prestaje sa radom u slijedećim slučajevima:

- Odlukom Osnivača o prestanku rada,
- Odlukom suda i
- Na drugi način regulisan zakonom.

#### **Član 55.**

U slučaju prestanka rada preduzeća, imovina koja preostane nakon podmirenja svih obaveza preduzeća vraća se Osnivaču.

### XIV – OPĆA AKTA PREDUZEĆA

#### **Član 56.**

Preduzeće donosi pojedinačne opće akte kojima na konkretan način reguliše pojedine oblasti rada u skladu sa zakonom i to:

- Statut preduzeća,
- Etički kodeks,
- Pravilnik o organizaciji rada i sistematizaciji radnih zadataka,
- Pravilnik iz oblasti radnih odnosa propisanih Zakonom o radu i kolektivnim ugovorima.

#### **Član 57.**

Opća akta preduzeća iz člana 56. ove Odluke, donose se na način i po postupku propisan Zakonom o javnim preduzećima u F BiH, Zakonom o privrednim društvima, ovom odlukom i Statutom preduzeća.

### XV – ZAVRŠNE ODREDBE

#### **Član 58.**

Ova Odluka je pravni osnov za upis usaglašavanja Odluke o osnivanju JP „Veterinarska stanica“ Velika Kladuša sa Zakonom o javnim preduzećima u Sudski registar Kantonalnog suda u Bihaću.



**Član 59.**

Stupanjem na snagu ove Odluke, prestaje da važi Odluka o zadržavanju prava i obaveza Općinskog vijeća prema Javnom preduzeću Veterinarska stanica Velika Kladuša, broj: 01-12-111/98, od 20.11.1998. godine, objavljena u „Službenom glasniku Općine Velika Kladuša“, broj: 7/98.

**Član 60.**

Ova Odluka stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-179/05  
Velika Kladuša, 01.07.2005. godine

Na osnovu člana 43.a. Zakona o korištenju, upravljanju i održavanju zajedničkih dijelova i uređaja („Službeni glasnik USK-a“, broj: 6/01 i 4/04), člana 6., 28. i 31. Zakona o prekršajima („Službeni glasnik USK-a“, broj: 4/97, 7/98 i 8/99), a u skladu sa članom 36. do 42. Zakona o stambenim odnosima – prečišćeni teks („Službeni list SR BiH“, broj: 14/84), i člana 21. stav 1. tačka 15. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), Općinsko vijeće Općine Velika Kladuša na X sjednici održanoj dana 30.06.2005. godine, donijelo je,

**ODLUKU****o kućnom redu u stambenim zgradama****I – OPŠTE ODREDBE****Član 1.**

Ovom odlukom regulišu se osnovna pitanja kućnog reda u svim stambenim zgradama na području Općine Velika Kladuša, radi omogućavanja nesmetanog stanovanja i korištenja stambenog prostora i zajedničkih dijelova i uređaja zgrada od strane stanara i radi održavanja stanova i objekata u upotrebljivom stanju.

**Član 2.**

Za sprovođenje kućnog reda odgovorni su etačni vlasnici posebnih dijelova zgrade, odnosno suvlasnici na zajedničkim dijelovima i uređajima zgrade, (u daljem tekstu: suvlasnici). O sprovođenju kućnog reda u porodičnoj stambenoj zgradi staraju se stanari koji u toj zgradi stanuju.

**Član 3.**

Posebnim dijelovima zgrade podrazumijevaju se stanovi, poslovne prostorije i

drugi prostori, koje isključivo koriste vlasnici tih dijelova pojedinačno. Suvlasnikom na zajedničkim dijelovima i uređajima zgrade podrazumijeva se lice koje je vlasništvo steklo po bilo kojem, na zakonu zasnovanom, osnovu.

**II – POSEBNE ODREDBE****Član 4.**

Etažni vlasnici, kao i suvlasnici, imaju nedjeljivo zajedničko pravo vlasništva na zajedničkim dijelovima i uređajima zgrade koji služe njihovim posebnim dijelovima i nedjeljivo zajedničko pravo vlasništva nad zemljištem pod zgradom i pravo trajnog korištenja zemljišta koje služi za redovnu upotrebu zgrade.

Suvlasnici imaju pravo i obavezu korištenja, upravljanja i održavanja zajedničkih dijelova i uređaja zgrade.

Suvlasnici imaju obavezu održavanja čistoće zajedničkih dijelova zgrade i snose sve režijske troškove i troškove upravljanja i održavanja zajedničkih dijelova i uređaja zgrade.

**Član 5.**

Zajednički dijelovi i uređaji zgrade služe za potrebe svih suvlasnika i koriste se u skladu sa njihovom namjenom.

Korištenje zajedničkih dijelova i uređaja zgrade od strane suvlasnika podrazumijeva nesmetano korištenje tih dijelova bez povređivanja prava drugih korisnika.

Suvlasnik koji svojim ponašanjem nanosi štetu na zajedničkim dijelovima i uređajima zgrade, odgovara po općim propisima o naknadi štete.

**Član 6.**

Za vrijeme kiše, snijega i drugih vremenskih nepogoda prozori na stepeništu, tavanu, podrumu i drugim zajedničkim prostorijama moraju biti zatvoreni.

Prozori na podrumima, koji se otvaraju radi provjetravanja, moraju imati gustu žičanu mrežu.

Suvlasnici su dužni da sa balkona, lođa i terasa svoga stana, ukanjaju snijeg i led.

Mjesta u podrumskim prostorijama gdje se nalaze kalanizacioni šahтови, šahтови za propusne ventile vodovoda, kao i vodomjeri i ventili u zidu koji regulišu zatvaranje protoka vode za stanove, moraju biti slobodni za pristup u svako doba.

**Član 7.**

Ulazna vrata zgrade moraju biti zaključana od 23 do 4 sata ljeti (od 1. aprila do 30. septembra), odnosno od 22 do 5 sati zimi (od 1. oktobra do 31. marta).

Za provođenje odredbi iz prethodnog stava ovog člana odgovorni su vlasnici.

Ulaz na tavanu mora biti zaključan, a ključevi se čuvaju kod lica kojega odrede suvlasnici. Poslije upotrebe ulaza na tavan suvlasnici su dužni da vrate ključeve licu kod kojega isti stoje na čuvanju.

Nije dozvoljen ulaz na tavan i u podrum u noćno doba od 21 do 5 sati ujutro, izuzev u slučajevima opšte ili izuzetne potrebe.

#### **Član 8.**

Zabranjeno je na tavanu držati lako zapaljivi materijal (stari namještaj, ambalažu, ogrijev, slamu, hartiju i dr.). Isto tako nije dozvoljeno ulaziti na tavan sa svijećom ili lampom čiji plamen nije zaštićen.

#### **Član 9.**

Zabranjeno je u zajedničkim prostorijama i u stanovima demontirati ili preinačavati uređaje bilo koje vrste ili vršiti druge prepravke bez pismene saglasnosti suvlasnika zgrade.

Odredbama stava 1. ovog člana ne isključuju primjenu propisa o građevinarstvu koji regulišu izdavanje odobrenja od nadležnog Općinskog organa za izvođenje prepravki u zgradi i stanovima.

#### **Član 10.**

Lica koja izvode prepravke ili druge radove u zgradi su dužni da, po obavljenom poslu, očiste prostorije i dovedu ih u stanje koje omogućuje nesmetanu upotrebu istih.

Radovi iz stava 1. ovog člana, osim radova na investicionom održavanju stambene zgrade i hitnih popravki, ne mogu se izvoditi u vrijeme koje je ovom odlukom određeno kao vrijeme odmora.

#### **Član 11.**

Nije dozvoljeno čišćenje odjeće, obuće, istresanje posteljine, tepiha i drugih predmeta kućnog namještaja na prozorima i hodnicima zgrade, kao ni vješati i sušiti posteljinu, krpe, rublje i sl. na prozorima, terasama i balkonima sa ulične strane.

Saksije i druge posude sa cvijećem na prozorima, balkonima, terasama i drugim djelovima zgrade moraju se držati tako da ne mogu da padnu i da ne propuštaju vodu.

#### **Član 12.**

Ogrijev (drvo, ugalj i slično) može se držati samo u prostorijama koje su za to namjenjene, izuzetno, i to samo privremeno, u dvorištu stambene zgrade na zato određenom mjestu.

Zabranjeno je ostavljanje i cijepanje ogrijevnog materijala u stambenim prostorijama,

hodnicima, stepeništima, tavanu, balkonima, terasama, podrumskim hodnicima i prostorijama koje su manijenjene za druge svrhe.

Ako zgrada nema dovoljno ili nema uopšte prostorija za smještaj ogrijeva, nadležni organ Općinske uprave će odrediti mjesto gdje će se ogrijev držati dok se ne sagrađe prostorije za smještaj ogrijeva.

#### **Član 13.**

Stanari su dužni da drže u ispravnom stanju vodovodne i kanalizacione uređaje (slavine, plovne ventile, tuš-baterije, WC daske i druge uređaje).

Zabranjeno je bacati otpatke, krpe i druge predmete koji mogu dovesti do oštećenja klozetske šolje, lavaboa, sudopera i sl. Suvlasnici su dužni preduzeti mjere protiv zamrzavanja vodovodnih i drugih uređaja u stanu.

Vodovodne instalacije, kada su van upotrebe, treba da budu zatvorene kako se ne bi povećavali troškovi za vodu drugim suvlasnicima uslijed nepotrebnog oticanja vode.

Televizijske antene i drugi slični uređaji mogu se postavljati samo pod stručnim nadzorom i na takav način da se ne ošteti krovni pokrivač ili drugi elementi zgrade.

#### **Član 14.**

Spoljni dijelovi zgrade (vrata, prozori, izlaz i sl.) moraju biti čisti i ispravni.

O čistoći i ispravnosti spoljnih djelova zgrade stara se korisnik prostorija, odnosno suvlasnici, kada su u pitanju spoljni dijelovi u zajedničkim prostorijama zgrade.

#### **Član 15.**

Zabranjeno je bacati i ostavljati bilo kakve otpadke i drugo smeće po stepeništima i hodnicima, u dvorištima, vrtu, kroz prozor i slično. Zabranjeno je svako prljanje i šaranje po zidovima, vratima i prozorima, po ogradama, po zidovima, vratima i zajedničkim prostorijama i uređajima zgrade kao i po objektima u dvorištu.

#### **Član 16.**

Kante i kontejneri za smeće i otpatke drže se na za to određenom mjestu. Ovo mjesto određuje predstavnik suvlasnika u sporazumu sa Javnim komunalnim preduzećem.

Zabranjeno je u kante i kontejnere za smeće bacati žar. Fekalije, leševe uginulih životinja i druge biološke otpatke, kamen, blato kao i drugi materijal koji ne predstavlja kućno smeće.

#### **Član 17.**

Stanari koji u svojim stambenim prostorijama u skladu sa posebnim propisima drže pse, mačke i druge životinje, dužni su da paze da te

životinje ne stvaraju nečistoću u zajedničkim prostorijama i da ne narušavaju mir i tišinu u zgradi.

#### **Član 18.**

Svaki suvlasnik dužan je koristiti stan na način koji ne ometa i ne uznemirava druge stanare u njihovom pravu mirnog stanovanja i poslovanja.

Zabranjeno je svađom, vikom, lupom i sličnim postupcima remetiti red, tišinu i miru u zgradi, a naročito u vrijeme odmora, tj. od 14 do 17 sati i od 22 do 6 sati.

Suvlasnici mogu odrediti i drugačiji raspored vremena za odmor u stambenoj zgradi.

Sviranje, pjevanje, korištenje radio i sličnih aparata, dozvoljeno je samo do uobičajene jačine zvuka.

#### **Član 19.**

Svaki stanar je dužan da na vratima svoga stana postavi pločicu ili vizit kartu sa svojim imenom.

Upravitelj zgradom je dužan da nabavi državnu zastavu prpoisanih dimenzija koja se ističe u vrijeme državnih praznika na za to predviđenom mjestu na uličnoj fasadi zgrade.

#### **Član 20.**

Loženju vatre u kuhinjama, sobama i ostalim prostorijama kao i držanju zapaljivih tečnosti mora se posvetiti naročita pažnja i to:

- a) sve gvozdene peći treba da budu postavljene na betonskim ili limenim podlogama,
- b) električne instalacije moraju biti postavljene samo putem stručnog lica i to prema postojećim propisima, a postavljanje provizornih vodova je zabranjeno,
- c) dimnjaci i uređaji za loženje se moraju čistiti redovno po propisima o dimnjačarskoj službi,
- d) zabranjeno je u prostorijama držati zapaljive tečnosti i eksplozivni materijal, a ukoliko se drže manje količine zapaljive tečnosti, treba ih držati u zatvorenim sudovima postavljenim na propisanoj udaljenosti od vatre i zaštićenim od prevrtanja i oštećenja,
- e) zabranjeno je upotrebljavati zapaljive i eksplozivne tečnosti za zapaljivanje vatre,
- f) električni uređaji (pegle, rešoi i sl.) moraju se držati na vatrostalnim podlogama.

#### **Član 21.**

Suvlasnici su dužni da svoje prostorije, zajedno sa tehničkim i sanitarnim uređajima upotrebljavaju svjesno i shodno njihovoj namjeni

na način da pri njihovoj upotrebi ne oštećuju druge prostorije i ne smetaju druge suvlasnike u istoj ili susjednoj zgradi.

#### **Član 22.**

Suvlasnici su dužni da održavaju čistoću u svojim prostorijama.

Ako se pojavi gamad (stjenice, žohari i sl.), potrebno je da se odmah preduzmu mjere čišćenja stana. Ako suvlasnik to ne učini, ovo će učiniti upravitelj zgrade na trošak suvlasnika.

#### **Član 23.**

Upravitelj stambenim zgradama dužan je Odlukom o kućnom redu istaći na vidno mjesto, kako bi bila pristupačna svim suvlasnicima, odnosno stanarima, istom i pridržavati se njenih odredaba.

### **III – KAZNE NE ODREDBE**

#### **Član 24.**

Nadzor nad provođenjem odredbi ove Odluke vršit će nadležna građevinska i komunalna inspekcija Općinskog organa uprave Općine Velika Kladuša i Policijska uprava 2 Cazin, Policijska stanica Velika Kladuša.

#### **Član 25.**

Novčanom kaznom od 100 do 500 KM kazniće se za prekršaj suvlasnik:

1. ko stambene prostorije i uređaje u stanu koristi protivno njihovoj namjeni ili ko ih koristi na način na koji se one oštećuju ili ko vodovodne instalacije za vrijeme zime ne zaštiti od zamrzavanja i prskanja,
2. ko, bez pismene saglasnosti suvlasnika i odobrenja nadležnog organa, demontira ili preinači uređaje ma koje vrste ili vrši druge prepravke u zajedničkim prostorijama ili stanu,
3. ko zajedničke prostorije poslije upotrebe ne očisti i ne dovede u red,
4. ko zajedničke prostorije uređaje u zgradi koristi protivno njihovoj namjeni ili na način kojim se one oštećuju ili ko u zajedničkim prostorijama drži stvari čije je držanje u tim prostorijama ovom odlukom zabranjeno,
5. ko ogrijev drži na mjestu koje za to nije određeno ili ko u stanu ili na drugo mjesto koje za to nije predviđeno cijepa ogrijev,
6. ko sa balkona, lođa ili terase svoga stana ne očisti snijeg,
7. ko na tavanu drži lako zapaljivi materijal ili ko ne preduzme druge mjere kako ne bi došlo do požara,

8. ko istresa posteljinu, tepihe i druge odjevne predmete kućnog namještaja na mjesto koja za to nije određeno ili ove stvari istresa sa balkona, prozora ili terase svoga stana,
9. ko saksije ili druge posude sa cvijećem drži na prozorima, balkonima, terasama ili drugim dijelovima zgrade tako da mogu da padnu ili da propuštaju vodu,
10. ko na prozoru, terasi ili balkonu koji su vidljivi sa ulice ili druge javne površine suši rublje,
11. ko ne drži u ispravnom stanju vodovodne i kanalizacione uređaje, odnosno ko u klozetske šolje, umivaonike, kade i druge sanitarne uređaje za odvođenja otpadnih voda baca otpatke i druge predmete koji mogu zapušiti kanalizaciju ili oštetiti instalaciju,
12. ko ne drži u urednom stanju spoljne dijelove zgrade,
13. ko oštećuje krovni pokrivačzgradeprilikom montiranja televizijske antene ili sličnih uređaja i ne zaštititi zgradu od prokišnjavanja,
14. ko baca otpatke i drugo smeće po hodnicima, kroz prozor, sa balkona, terase po dvorištu zgrade, ili ko prlja i šara po zidovima, vratima i prozorima, stepenicama i drugim zajedničkim prostorijama zgrade,
15. ko u kante za smeće baca žar, fekalije, leševe uginulih životinja i drugi biološki otpad, kamen i drugi materijal koji ne predstavlja kućno smeće,
16. ko postupi protivno odredbama člana 14,15,17, i 18. ove Odluke.

Ako prekršaj učini maloljetnik, kazniće se propisanom kaznom roditelj, odnosno staratelj maloljetnika.

#### Član 26.

Na prekršaje koji nisu propisani ovom Odlukom shodno će se primjenjivati kaznene odredbe Zakona o korištenju, upravljanju i održavanju zajedničkih dijelova i uređaja zgrade („Službeni glasnik USK-a“, broj: 01-676/1-67, od 27.12.1967. godine.

#### Član 27.

Ova Odluka stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-180/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 21. Statuta Općine Velika Kladuša – prečišćeni tekst (Službeni glasnik Općine Velika Kladuša broj: 1/01 i 1/03) Općinsko vijeće Općine Velika Kladuša na X sjednici, održanoj 30.06.2005. godine, donijelo je

### O D L U K U O ustanovljavanju manifestacije „KLADUŠKI DANI POLJOPRIVREDE“

#### Član 1.

Ovom Odlukom ustanovljava se manifestacija „KLADUŠKI DANI POLJOPRIVREDE“ čiji se završni dio održava svake godine u prvoj polovini septembra.

Na završnom dijelu manifestacije sumiraju se rezultati koje su poljoprivrednici, fizička lica i pravna lica koja se bave poljoprivrednom proizvodnjom, postigli u periodu od godinu dana.

#### Član 2.

Završni dio manifestacije odvija se kroz izložbeno-takmičarski dio, i proglašenje najvećih proizvođača u pojedinim oblastima poljoprivredne proizvodnje, te prateće sadržaje a održava se svake godine na lokalitetu zonalnog centra Vrnograč.

#### Član 3.

Sadržaj, kao i odvijanje završnog dijela manifestacije, detaljnije se utvrđuje Pravilima o sadržaju i odvijanju završnog dijela manifestacije „KLADUŠKI DANI POLJOPRIVREDE“ koja čine sastavni dio ove Odluke.

#### Član 4.

Ova Odluka stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-181/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 3. Odluke o ustanovljavanju manifestacije „Kladuški dani poljoprivrede“ (Službeni glasnik Općine Velika Kladuša broj: 7/05) i člana 21. Statuta Općine Velika Kladuša – prečišćeni tekst (Službeni glasnik Općine Velika Kladuša broj: 1/01 i 1/03) Općinsko vijeće Općine Velika Kladuša na X sjednici, održanoj 30.06.2005. godine, donijelo je

### P R A V I L A o sadržaju i odvijanju završnog dijela manifestacije „KLADUŠKI DANI POLJOPRIVREDE“

**Član 1.**

Ovim pravilima se reguliše:

- Sadržaj završnog dijela manifestacije „KLADUŠKI DANI POLJOPRIVREDE“,
- Odvijanje takmičarskog dijela, propozicije i način rada ocjenjivačke komisije,
- Proglašavanje najvećih proizvođača: povrća, voća, mlijeka, mesa i meda,
- Nagradni fond,
- Prateći sadržaji i ostala pitanja.

**Član 2.**

Na manifestaciji se kroz izložbeno takmičarske sadržaje prezentuju:

- najbolja grla stoke,
- najinteresantniji poljoprivredni proizvod,

**Član 3.**

Izložbeno-takmičarski dio prezentacije stoke odvija se kroz:

- prezentaciju najboljih muznih krava i proglašenje tri najbolja grla,
- prezentaciju visoko steonih junica i proglašenje tri najbolja grla,
- prezentaciju tovnih bikova i proglašenje tri najbolja grla
- prezentaciju zaprežnih konja i proglašenje najboljeg grla i
- prezentaciju rasplodnih ovnova i proglašenje najboljeg grla.

**Član 4.**

Pravo učešća na izložbi stoke imaju vlasnici grla sa područja Općine Velika Kladuša uz predočenje odgovarajućeg dokaza nadležne službe Općinskog organa uprave Općine Velika Kladuša ili mjesne zajednice da je grlo iz vastitog uzgoja i to:

- Muzne krave bez dobnih ograničenja,
- Visokosteone junice do 2 godine starosti,
- Tovni bikovi do 2 godine starosti,
- Zaprežni konji bez dobnih ograničenja,
- Rasplodni ovnovi bez dobnih ograničenja.

**Član 5.**

Izložba najinteresantnijih poljoprivrednih proizvoda nije sadržajno definisana i vlasnici sami odlučuju što će izložiti, uz predočenje odgovarajućeg dokaza nadležne službe Općinskog organa uprave Općine Velika Kladuša ili mjesne zajednice da je izloženo vlasnik proizveo na vlastitom gazdinstvu.

U ovom dijelu prezentacije proglašava se najinteresantniji proizvod.

**Član 6.**

Ocjenu izloženih eksponata vrši Ocjenjivačka komisija koju rješenjem imenuje Općinski načelnik.

Ocjenjivačka komisija (u daljem tekstu: Komisija) ima tri člana, a u sastav iste ulaze stručnjaci iz oblasti veterinarstva, stočarstva i ratarstva.

**Član 7.**

Svaki član Komisije posebno ocjenjuje izložene eksponate ocjenom od 1 do 10.

Ocjene članova Komisije se zbrajaju za svaki izloženi eksponat u pojedinim kategorijama, a pobjednik je eksponat sa najvećom prosječnom ocjenom koja se dobije dijeljenjem zbira pojedinačnih ocjena svih članova Komisije sa brojem izloženih eksponata.

Ukoliko se bira drugi i treći eksponat, redosljed se određuje po istom principu.

U slučaju kad dva ili više eksponata imaju iste prosječne ocjene, u prednosti je eksponat koji ima veći broj pojedinačnih većih ocjena.

Za svaku pojedinačnu kategoriju Komisija sastavlja zapisnik.

**Član 8.**

Prigovor na rad Komisije nezadovoljna stranka može podnijeti Organizacionom odboru „Kladuški dana poljoprivrede“, istog dana nakon saopštavanja odluke Komisije.

Odluka Organizacionog odbora po prigovoru je konačna.

**Član 9.**

U konkurenciji za najvećeg proizvođača ulaze samo robni proizvođači.

Pod robnim proizvođačima podrazumijeva se proizvođač koji ima dokaz o plasmanu vlastitih proizvoda prerađivačkoj organizaciji.

- Najvećim proizvođačem povrća bit će proglašen proizvođač povrća koji priloži dokaz o najvećoj vrijednosti isporučenog povrća prerađivaču ili prerađivačima u periodu od 01.09. prethodne godine do 01.09. tekuće godine.

- Po istom kriteriju bit će proglašen i najveći proizvođač voća.

- Najvećim proizvođačem mlijeka na području Općine bit će proglašen proizvođač koji predoči dokaze o najvećim količinama isporučenog mlijeka ili to za njega predoče prerađivači subjekti, za period od 01.08. prethodne godine do zaključno sa 31.07. tekuće godine.

- Najvećim proizvođačem mesa na području Općine bit će proglašen proizvođač koji priloži dokaze o najvećem ostvarenom prihodu po osnovu isporuke žive stoke proizvođačima ili prerađivačima

mesa uvećanoj za količine mesa plasirane u vlastitoj maloprodaji.

U količine mesa plasirane preko vlastite maloprodaje mogu biti uključene samo količine od stoke zaklane pod veterinarskim nadzorom.

- Najvećim proizvođačima meda bit će proglašen proizvođač koji priloži dokaze o najvećim isporučenim količinama meda otkupljivačima.

#### Član 10.

Najveći proizvođači iz prethodnog člana bit će proglašeni pod uslovom ako u pojedinačnoj kategoriji konkurišu najmanje tri proizvođača. U suprotnom neće biti proglašavan najveći proizvođač.

#### Član 11.

Nagradni fond i pojedinačne nagrade po kategorijama iznose:

- nagradni fond za najbolju muznu kravu: 1.000,00 KM

- I nagrada 500,00 KM
- II nagrada 300,00 KM
- III nagrada 200,00 KM

- **nagradni fond za najbolju visokosteonu junicu: 600,00 KM**

- I nagrada 300,00 KM
- II nagrada 200,00 KM
- III nagrada 100,00 KM

- **nagradni fond za najboljeg tovnog bika: 600,00 KM**

- I nagrada 300,00 KM
- II nagrada 200,00 KM
- III nagrada 100,00 KM

- **nagradni fond za najboljeg zarezanog konja: 300,00 KM**

- I nagrada 300,00 KM

- **nagradni fond za najboljeg rasplodnog ovna: 100,00 KM**

- I nagrada 100,00 KM

- **nagradni fond za najvećeg proizvođača mlijeka: 1.000,00 KM**

- I nagrada 500,00 KM
- II nagrada 300,00 KM
- III nagrada 200,00 KM

- **nagradni fond za najinteresantniji poljoprivredni proizvod: 200,00 KM**

- I nagrada 200,00 KM

- **nagradni fond za najvećeg proizvođača povrća: 200,00 KM**

- I nagrada 200,00 KM

- **nagradni fond za najvećeg proizvođača voća: 200,00 KM**

- I nagrada 200,00 KM

- **nagradni fond za najvećeg proizvođača stoke za meso: 300,00 KM**

- I nagrada 300,00 KM

- **nagradni fond za najvećeg proizvođača meda: 200,00 KM**

- I nagrada 200,00 KM

Za najuređeniji izložbeni štand Organizacioni odbor dodjeljuje priznanje.

Odluka o proglašenju najuređenijeg izložbenog štanda donosi Organizacioni odbor.

Izuzetno nagradni fond i pojedinačne nagrade mogu biti veće, ukoliko iste budu sponzorirane i sponzor traži uvećanje određene nagrade.

#### Član 12.

Nagradni fond za sportska takmičenja može iznositi najviše do 15% nagradnog fonda iz člana 10.

Nagrade za sportska takmičenja isključivo su robne.

O sadržaju sportskih takmičenja i raspodjeli nagradnog fonda odluku za svaku godinu donosi Organizacioni odbor.

#### Član 13.

Troškove organizacije izložbe i nagradni fond obezbjeđuje organizator iz marketinški aktivnosti i iz općinskog budžeta.

#### Član 14.

Ova Pravila stupaju na snagu danom donošenja, a objavit će se u „Službenom glaniku Općine Velika Kladuša“ i čine sastavni dio Odluke o ustanovljavanju manifestacije „Kladuški dani poljoprivrede“.

OPĆINA VELIKA KLADUŠA  
OPĆINSKO VIJEĆE

PREDSJEDAVALAČI  
OPĆINSKOG VIJEĆA  
Sejfo Mustafić, s.r.

Broj: 01-05-184/05  
Velika Kladuša, 01.07.2005. godine

Na osnovu člana 21. stav 1. tačka 15. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86., 94., 106., 107. i 108. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon provedene rasprave po Nacrtu odluke o regulaciji saobraćaja u gradskom području i naseljenim mjestima Općine Velika Kladuša, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Prihvata se Nacrt odluke o regulaciji saobraćaja u gradskom području i naseljenim mjestima Općine Velika Kladuša i isti se, u skladu sa Poslovníkom Općinskog vijeća Općine Velika Kladuša – prečišćeni tekst, stavlja na javnu raspravu radi prikupljanja mišljenja i prijedloga u cilju utvrđivanja kvalitetne osnove za izradu Prijedloga odluke o regulaciji saobraćaja u gradskom području i naseljenim mjestima Općine Velika Kladuša.
2. Prihvaćeni Nacrt odluke o regulaciji saobraćaja u gradskom području i naseljenim mjestima Općine Velika Kladuša, poslužit će kao osnova za provođenje javne rasprave, a ista će trajati od dana stavljanja Nacrta odluke o regulaciji saobraćaja u gradskom području i naseljenim mjestima Općine Velika Kladuša na javnu raspravu do 15.08.2005. godine.
3. Zadužuje se Savjet za regulaciju saobraćaja i Služba prostornog uređenja, resursa i zaštite okoline, Općinskog organa uprave, Općine Velika Kladuša, da Nacrt odluke o regulaciji saobraćaja u gradskom području i naseljenim mjestima Općine Velika Kladuša, dostavi svim zainteresiranim organima i institucijama, kao i drugim pravnim subjektima, koji za to imaju interesa, radi davanja mišljenja i prijedloga, te da nakon provedene javne rasprave o Nacrtu, uzevši u obzir sve prijedloge i mišljenja istaknuta od strane vijećnika na sjednici Općinskog vijeća, kao i prijedloge i mišljenja pristigla u toku javne rasprave, sačini Prijedlog odluke o regulaciji saobraćaja u gradskom području i naseljenim mjestima Općine Velika Kladuša i isti, sa odgovarajućim

Izvještajem o provedenoj javnoj raspravi, uputi Vijeću na razmatranje i usvajanje.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-183/05  
Velika Kladuša, 01.07.2005. godine

Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon provedene rasprave o Izvještaju o realizaciji Programa zimske službe na području Općine Velika Kladuša za 2004/2005. godine, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Usvaja se Izvještaj o realizaciji Programa zimske službe na području Općine Velika Kladuša za 2004/2005. godinu uz preporuku da se Program zimske službe za period 2005/2006. godine preciznije definišu zadaci zimske službe.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-184/05  
Velika Kladuša, 01.07.2005. godine

Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon provedene rasprave o Izvještaju o zaštiti šuma na području Općine Velika Kladuša, Službe za privredu, budžet i finansije Organa uprave

Općine Velika Kladuša, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Prihvata se Informacija o zaštiti šuma na području Općine Velika Kladuša, Službe za privredu, budžet i finansije Općinskog organa uprave Općine Velika Kladuša.
2. Konstatira se da se na području općinene provede zakonom propisane mjere na zaštiti šuma i unapređenju šumskog fonda.
3. Zadužuje se Općinski načelnik da obavi razgovor sa Kantonalnim ministarstvom poljoprivrede, vodoprivrede i šumarstva USK-a, u cilju iznalaženja rješenja za zaštitu i kontrolu šuma u privatnom vlasništvu.
4. Zadužuje se Općinski načelnik da, putem nadležne službe Općinskog organa uprave, inicira kod nadležnog ministarstva USK-a, izradu i donošenje šumsko-privredne osnove privatnih šuma, a do donošenja iste, utvrđivanje godišnjih planova gospodarenja navedenim resursom.
5. Preporučuje se Općinskom načelniku, da inicira postupak ujedinjavanja lovačkih društava na području Općine Velika Kladuša i utvrđivanja jedinstvene politike gospodarenja lovištem, ili u protivnom da pokrene postupak zabrane lova na području Općine na određeni period.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-185/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon provedene rasprave o Informaciji (pregledu) o zdravstvenom stanju i problemima u vezi sa ostvarivanjem zdravstvene zaštite stanovništva Općine Velika Kladuša, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Prihvata se Informacija (pregled) JU Dom zdravlja Velika Kladuša o zdravstvenom stanju i problemima u vezi sa ostvarivanjem zdravstvene zaštite stanovništva Općine Velika Kladuša.
2. Općinsko vijeće Općine Velika Kladuša, traži od nadležnih organa državne uprave USK-a da poduzmu sve zakonom propisane radnje na povećanju broja korisnika zdravstvenog osiguranja na području Općine Velika Kladuša, s ciljem poboljšanja zdravstvene zaštite građana Općine Velika Kladuša.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-186/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon obavljene rasprave o Informaciji o ažurnosti katastarskog operata i katastra nekretnina, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

Prihvata se Informacija o ažurnosti katastarskog operata i katastra nekretnina Službe prostornog uređenja, resursa i zaštite okoline, Općinskog organa uprave Općine Velika Kladuša, bez primjedbi.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-187/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.



Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon obavljene rasprave o Informaciji o potrebi i uslovima formiranja Prihvatne stanice za djecu i omladinu sa asocijalnim ponašanjem, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Prihvata se Informacija JU Centra za socijalni rad Velika Kladuša o potrebi i uslovima formiranja prihvatne stanice za djecu i omladinu sa asocijalnim ponašanjem u dijelu identifikacije problema i potrebe za organiziranim prihvatanjem i privremenim zadržavanjem djece i omladine sa asocijalnim ponašanjem na području Općine Velika Kladuša.
2. Zadužuje se JU Centar za socijalni rad Velika Kladuša da pripremi prijedlog Projekta sa svim elementima i činjenicama i ponudi ga Općinskom vijeću na razmatranje s ciljem donošenja odluke o potrebi uslovima formiranja Prihvatne stanice za privremeno zadržavanje djece i omladine sa asocijalnim ponašanjem.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-188/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Na osnovu člana 21. Statuta Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), i člana 86. i 94. Polsovnika Općinskog vijeća Općine Velika Kladuša – prečišćeni tekst („Službeni glasnik Općine Velika Kladuša“, broj: 1/01 i 1/03), a nakon obavljene rasprave o Informaciji o nasilju u porodici na području Općine Velika Kladuša, Općinsko vijeće Općine Velika Kladuša na X sjednici, održanoj dana 30.06.2005. godine, donijelo je,

## ZAKLJUČAK

### I

1. Prihvata se Informacija JU Centra za socijalni rad Velika Kladuša o nasilju u porodici na području Općine Velika Kladuša.
2. Obavezuje se JU Centar za socijalni rad Velika Kladuša da u narednom periodu na zahtjev Općinskog vijeća ponudi informacije o nasilju u porodici u sadržanijoj formi sa svim bitnim pokazateljima statističkog istraživanja i sa rezultatima kvalitetnog metodološkog istraživanja ove socijalne pojave koristeći pri tom spoznaje i rezultate istraživanja istog problema do kojih su došli državni organi i institucije, javne ustanove i udruženja koja se bave problemom nasilja u porodici.

### II

Ovaj Zaključak stupa na snagu po objavljivanju u „Službenom glasniku Općine Velika Kladuša“.

OPĆINA VELIKA KLADUŠA  
OPĆINSKO VIJEĆE  
Broj: 01-05-189/05  
Velika Kladuša, 01.07.2005. godine

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.